

**19 SEPTEMBRIE**  
**RUGACIUNEA 2**  
**SF. CNEAZ**  
**IGOR-GHEORGHE**  
**DE LA CERNIGOV SI KIEV**

**Молитва**

О мужественный исповедниче Христов, великий благоверный княже Игоре, мучеников славо, стрстотерпцев венче и преподобных украшение! Ты во дни земного своего жития славный путь исповедника и стрстотерпца Христова прошед, воистину всем вся явился еси. Ты, царствия земного лишен, славный ходатая Царствия Небесного всем к тебе прибегающим являешься. Ты, земной отрады и утешения лишен быв, воистину приобрел еси благодать всем страдальцам скорби их облегчати утешение тем даровати. Ты, лишения, тугу, в узы темничные заключение восприяв, воистину приобрел еси благодать всем скорбящих утешати, от уз разрешати и скорбь на радость прилагати. Ты, всего земного лишен, не токмо Царствие Небесное приобрел еси, но благодать

всем к тебе обращающимся добре житие их устроить, к Царствию Небесному всех нас путеводя.

Ей, славный угодниче Божий! Веруем, что вся сия испросити нам можеша. Сего ради молим тя: будь нам верный ходатай и теплый молитвенник пред Престолом Господним.

Испроси властям нашим силу, мудрость, терпение, во всем благое поспешение и на враги одоление, пастырям — благодать и премудрость Божию, иже вести ко спасению пасомых, добрый путь в Царствие Христово всем нам указуя. Всем обидимым дай терпение, всяческих скорбей совершенное их избытие и на радость тех скорое преложение, обидимым — страх Божий и к братолюбному добродетельному жительству обращение, судиям — праведность и нелицеприятие, иже творить суд во славу Божию, лишь Одному Судии Праведному из всех сил угождая и подражая. Напаствуемых от всяких напастей избавь, печальным будь утешитель, тужащим — отрада и утешение, да тако, тесный путь сего жития прошед, непреткновенно пройдем воздушные мытарства миродержителя князя сего и достигнем рая нам вожделенного, иже будем с тобой и со всеми святыми славити всечестное и великолепное имя Вседержителя Христа Бога нашего во веки веков. Аминь.